

**INICIJATIVA : Izmještanje migranata sa ulica i raskrsnica u KS**

Već je bezbroj pitanja i inicijativa upućeno ovoj Skupštini po pitanjima migranata u Kantonu Sarajevo.

Stanje na ulicama izgleda ukazuje da je bitka izgubljena . Grad je prezatran migrantima. Svi su se nekako pomirili sa tim stanjem. Niko više i ne problematizira ovo pitanje, stanje je potpuno nekontrolisano.

Vijeće ministara tj nadležno Ministarstvo sigurnosti ne radi ništa po ovom pitanju, pa tako ni migrante niko ne dira, oni su naselili BiH i Kanton Sarajevo. Vlada KS i MUP upalo je u ovu apatiju i nema nikakvih, čak ni informacija šta se dešava i poduzima .

Mislim da je čak i apsurdno govoriti o tome koliko je migranata trenutno potpuno nekontrolisano na ulicama Sarajeva. Svaka raskrsnica ima po nekoliko „stalno zaposlenih“ migranata koji prodaju maramice i praktično prose po ulicama. Niko ih više i ne ometa u tim aktivnostima, policija prolazi kolima, mi svjedočimo da nikada nismo vidjeli pripadnika MUP-a da legitimiše ili na bilo koji način kontroliše kretanje i aktivnosti migranata u Kantonu.

Molim na današnjoj sjednici usmeni odgovor Ministra unutrašnjih poslova KS i Premijera KS o :

- Stanju u oblasti migracija u KS, pregled, broj i mjesto gdje su i pod kojim uvjetima zbrinuti migranti u KS, posebno privatne lokacije ;
- Poduzetim aktivnostima s ciljem izmještanja migranata sa ulica Kantona
- Poduzetim aktivnostima sa nadležnim Ministarstvom sigurnosti, IOM-om, UNHCR-om i drugim domaćim i međunarodnim organizacijama i institucijama na planu rješavanja pitanja migranata u KS ;

Da Ministarstvo unutrašnjih poslova KS i Vlada KS poduzmu neophodne mjere i aktivnosti prema Ministarstvu sigurnosti BiH i Vijeću ministara i da Kanton Sarajevo na bazi tih državnih planova i informacija, sačini plan zbrinjavanja migranata (za Kanton Sarajevo) i da im se odmah zabrani prosjačenje, uz prijetnju sankcionisanja i protjerivanja iz zemlje.

Molim potpunu informaciju u roku od 15 dana po svim pitanjima iz ove Inicijative !

Bilsena Šahman

Sarajevo 03.11.2021